

**VODIČ ZA PRAVNA LICA ZA DOBIVANJE  
DOZVOLE ZA RAD - LICENCE PRIVATNOJ SAVJETODAVNOJ SLUŽBI I  
UPIS U REGISTAR POLJOPRIVREDNIH SAVJETODAVNIH SLUŽBI**

**Federalno ministarstvo poljoprivrede, vodoprivrede i  
šumarstva**

Februar, 2020. godine

Ovaj Vodič služi kao informativna pomoć pravnim licima, koja planiraju pružati savjetodavne usluge na području Federacije Bosne i Hercegovine prilikom pripreme dokumentacije i podnošenja zahtjeva za izdavanje dozvole za rad – licence privatnoj savjetodavnoj službi i upisa u Registar poljoprivrednih savjetodavnih službi.

Izdavanje dozvole za rad – licence privatnoj savjetodavnoj službi i upis u Registar poljoprivrednih savjetodavnih službi vrši Federalno ministarstvo poljoprivrede, vodoprivrede i šumarstva ( u daljem tekstu: Federalno ministarstvo)

**Posjedovanje dozvole za rad – licence i upis u Registar poljoprivrednih savjetodavnih službi nije obavezno za javne savjetodavne službe.**

## Dozvola za rad - licenca

---

Dozvola za rad - licenca se izdaje na zahtjev pravnog lica, po utvrđivanju ispunjenosti uslova propisanih **Zakonom o poljoprivrednim savjetodavnim službama** („Službene novine F BiH“, broj 66/13)(u daljem tekstu: Zakon) i **Pravilnikom o načinu i postupku izdavanja licence, upisu i vođenju podataka u Registru poljoprivrednih savjetodavnih službi** („Službene novine F BiH“, broj 38/15)(u daljem tekstu: Pravilnik).

### Ispunjavanje uslova

Za dobijanje dozvole za rad – licence pravno lice treba ispunjavati sljedeće uslove:

- imati registrovanu privatnu savjetodavnu službu, oblik privrednog društva ili zadruga za poslove savjetodavne službe;
- imati zaposlena najmanje dva certifikovana savjetodavca upisana u Registar poljoprivrednih savjetodavaca kod Federalnog ministarstva;
- raspolagati prostorom za rad, koji ima odvojen ulaz i najmanje dvije prostorije, od kojih su jedna radna prostorija i čekaonica, a na ulazu u prostor za rad moraju imati istaknutu firmu da se u toj kancelariji obavlja savjetodavna djelatnost uz naznaku radnog vremena;
- raspolagati odgovarajućom opremom za rad koja: osigurava vođenje evidencije u elektronskoj i pisanoj formi, uključujući opremu koja garantuje sigurnost pohranjenih dokumenata (ormar za arhivu, aparat za fotokopiranje, kompjuter, telefon, faks, pristup internetu), opremu za izvođenje savjetovanja poljoprivrednika (laptop, videotop, DVD, tablu i platno).

*Informacije o upisu u Registar poljoprivrednih savjetodavaca možete pronaći u Vodiču za upis u Registar poljoprivrednih savjetodavaca na web stranici Federalnog ministarstva: [www.fmpvs.gov.ba](http://www.fmpvs.gov.ba).*

## Podnošenje zahtjeva

---

Zahtjev za izdavanje dozvole za rad – licence i upis u Registar poljoprivrednih savjetodavnih službi pravno lice putem ovlaštenog lica podnosi Federalnom ministarstvu na propisanom obrascu, **Prilog 1.**, koji je sastavni dio Pravilnika, a može se naći i popuniti na web stranici Federalnog ministarstva: [www.fmpvs.gov.ba](http://www.fmpvs.gov.ba).

Uz zahtjev (uredno popunjen, ovjeren i potpisan od strane ovlaštene osobe) za izdavanje dozvole za rad – licence i upis u Registar poljoprivrednih savjetodavnih službi pravno lice prilaže u originalu ili ovjerenoj kopiji sljedeće dokumente:

- sudsku registraciju za pravna lica (gospodarsko društvo i zadruga);
- akt o unutrašnjoj organizaciji i sistematizaciji radnih mjesta;
- certifikate uposlenih savjetodavaca;
- dokaz o raspolaganju prostorom (dokaz o vlasništvu ili ugovor o zakupu zaključen s vlasnikom poslovnog prostora i atestnu dokumentaciju);
- dokaz o raspolaganju opremom (račune o kupovini ili ovjerenu izjavu o posjedovanju opreme);
- dokaz o uplati naknade za izdavanje licence i rješenja.

**Federalna upravna taksa** (za izdavanje licence 10 KM i za izdavanje rješenja 7 KM - ukupno 17 KM) uplaćuje se putem uplatnice na sljedeći način:

Svrha uplate: uplata federalne upravne takse

Primalac: Trezor Federacije BiH

Račun primaoca: 102 050 0000 10 66 98

Banka: Union banka d.d. Sarajevo

Vrsta prihoda: 722 112

Općina – šifra sjedišta ili prebivališta uplatioca

Budžetska organizacija – 240 1001

Zahtjev sa navedenom dokumentacijom može se predati na protokol Federalnog ministarstva ili dostaviti putem pošte na adresu:

**Federalno ministarstvo poljoprivrede, vodoprivrede i šumarstva**  
**Ul. Hamdije Čemerlića broj 2**  
**Sarajevo 71 000**

## Upis u Registar službi

---

Nakon provedenog postupka provjere kompletnosti zahtjeva i utvrđivanja ispunjavanja propisanih uslova Federalno ministarstvo pravnoj osobi izdaje dozvolu za rad – licencu i upisuje je u Registar poljoprivrednih savjetodavnih službi, o čemu donosi rješenje.

## Oblasti za koje se izdaje licenca i vrši upis u Registar službi

---

Na temelju rješenja privatna savjetodavna služba može da vrši poslove savjetodavne djelatnosti u oblastima savjetodavne djelatnosti za koje ima uposlene certifikovane savjetodavce, upisane u Registar poljoprivrednih savjetodavaca kod Federalnog ministarstva.

Oblasti savjetodavne djelatnosti za koje se izdaje dozvola za rad - licenca i vrši upis u Registar poljoprivrednih savjetodavnih službi su:

- ratarstvo, povrtlarstvo, mehanizacija i ekonomika ovih proizvodnji;
- voćarstvo, mehanizacija i ekonomika ovih proizvodnji;
- vinogradarstvo, mehanizacija i ekonomika ovih proizvodnji;
- stočarstvo, akvakultura, mehanizacija i ekonomika ovih proizvodnji i
- ruralni razvoj.

## Promjena podataka

---

Savjetodavna služba upisana u Registar savjetodavnih službi dužna je prijaviti Federalnom ministarstvu sve promjene podataka propisane Zakonom i Pravilnikom nastale nakon izdavanja Rješenja o upisu u Registar službi u roku od 15 dana od dana nastanka promjene.

U slučaju prijavljivanja promjena savjetodavna služba dužna je podnijeti zahtjev za izdavanje nove licence i upis u Registar službi i promjenu podataka na propisanom obrascu, Prilog 1., koji je sastavni dio Pravilnika, a može se naći i popuniti na web stranici Federalnog ministarstva: [www.fmpvs.gov.ba](http://www.fmpvs.gov.ba)

Nova licenca i rješenje o upisu u Registar službi, savjetodavnoj službi se izdaje nakon što vrati licencu, čiji se podaci mijenjaju.

## Prestanak važenja licence

---

Privatnoj savjetodavnoj službi, licenca prestaje važiti:

- a) brisanjem iz sudskog registra i
- b) brisanjem iz Registra službi.

Savjetodavna služba je tokom cijelog vremenskog perioda važenja dozvole za rad - licence i upisa u Registar službi dužna ispunjavati propisane uslove na osnovu kojih je dobila licencu i rješenje o upisu u Registar službi.

## Brisanje iz Registra službi

---

Federalno ministarstvo će donijeti rješenje o brisanju iz Registra službi u sljedećim slučajevima:

- ako ovlašteno lice u privatnoj savjetodavnoj službi podnese zahtjev za brisanje i Registra službi ;
- ako se utvrdi da privatna savjetodavna služba više ne ispunjava uslove za vršenje poslova savjetodavne službe propisane Zakonom o poljoprivrednim savjetodavnim službama.

## Izveštavanje o radu

---

U skladu sa **Pravilnikom o metodama savjetodavnog rada** („Službene novine F BiH“, broj 44/14) privatna savjetodavna služba je dužna Federalnom ministarstvu dostavljati godišnji izvještaj u pisanoj i elektronskoj formi, na propisanom obrascu (Prilog 1.) o vrsti i broju pruženih savjetodavnih usluga i korištenim metodama savjetodavnog rada za oblasti savjetodavne djelatnosti za koju posjeduje licencu.

## Za više informacija

---

Odsjek za poljoprivredne savjetodavne službe, Federalnog ministarstva poljoprivrede, vodoprivrede i šumarstva, telefon: 033 726 652, email: [tatjana.markhot@fmpvs.gov.ba](mailto:tatjana.markhot@fmpvs.gov.ba)